

Odluka Visokog predstavnika o Zakonu o izmjenama Zakona o krivičnom postupku Federacije Bosne i Hercegovine

Odluka Visokog predstavnika o Zakonu o izmjenama Zakona o krivičnom postupku Federacije Bosne i Hercegovine

Koristeći se ovlaštenjima koja su mi data članom V Aneksa 10 (Sporazum o civilnoj implementaciji Mirovnog ugovora) Općeg okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji u pogledu tumačenja spomenutog Sporazuma o civilnoj implementaciji Mirovnog ugovora; i posebno uzevši u obzir član II. 1. (d) gore navedenog Sporazuma, prema kojem Visoki predstavnik “pruža pomoć, kada to ocijeni neophodnim, u iznalaženju rješenja za sve probleme koji se pojave u vezi sa civilnom implementacijom”;

Pozivajući se na stav XI.2 Zaključaka Vijeća za implementaciju mira koje se sastalo u Bonu 9. i 10. decembra 1997. godine, u kojem je Vijeće za implementaciju mira pozdravilo namjeru Visokog predstavnika da iskoristi svoj konačni autoritet u zemlji u pogledu tumačenja Sporazuma o civilnoj implementaciji Mirovnog ugovora kako bi pomogao u iznalaženju rješenja za probleme, kako je prethodno rečeno, “donošenjem obavezujućih odluka, kada to bude smatrao neophodnim,” u vezi sa određenim

pitanjima, uključujući (u skladu sa tačkom (c) ovog stava) i “mjere u svrhu osiguranja implementacije Mirovnog sporazuma na čitavoj teritoriji Bosne i Hercegovine i njenih entiteta”;

Uzimajući u obzir da član II.2. i član II 3.e) Ustava Bosne i Hercegovine osigurava da sve osobe na teritoriji Bosne i Hercegovine uživaju ljudska prava i osnovne slobode predviđene u Evropskoj konvenciji za zaštitu ljudskih prava i osnovnih sloboda i njenim protokolima uključujući i “pravo na pravično saslušanjeu krivičnim stvarima, i druga prava vezana za krivični postupak”;

Uzimajući u obzir da prava na slobodu i pravilan postupak u krivičnom sistemu koja se ogledaju u odredbama navedene Konvencije i Međunarodnog pakta o građanskim i političkim slobodama nalažu da se pritvor prije glavnog pretresa odredi samo u slučajevima u kojima je to neophodno po ocjeni sudije;

Donosim slijedeću

ODLUKU

o Zakonu o izmjenama Zakona o krivičnom postupku Federacije
Bosne i Hercegovine

Član 1.

U članu 183. Zakona o krivičnom postupku (“Službene novine Federacije Bosne i Hercegovine”, br. 43/98) stav 1. se briše.

Dosadašnji stav 2. et seq postaje stav 1. et seq.

Član 2.

Ovaj zakon stupa na snagu odmah i odmah se objavljuje u
"Službenim novinama Federacije Bosne i Hercegovine".

Sarajevo, 8. novembar 2001. god.	Wolfgang Petritsch Visoki predstavnik
-------------------------------------	--